

KLIP KLAP

BON DIA

Aruba

News / Features / Gossip / Celebs / Reviews / Fun+Games / Community



JANIRO EISDEN TA HAYA PROPOSICION PA GRABA CU "SOCA QUEEN" ALISON HINDS

Bacchanal a celebra su di 11 edicion cu Aruba

***Adrienne Jacobs cu 3 titulo Internacional**



***Sint & Piet na caminda**

SHWBIZ KLIP

BON DIA



Janiro Eisdén ta haya proposicion pa graba cu “Soca Queen” Alison Hinds

Den siman nos tabatin un combersacion basta largo y extenso cu Niro relaciona cu su reciente bishita na Corsou. Den nos combersacion masha ameno cu nos tabatin el a relata na nos cu el a haya e invitacion door di e organisadornan p’e ta riba e cartelera di e prome edicion di Heineken Regatta na Curacao.

Esaki a tuma luga fin di siman tras di lomba y cu sigur ta bira un fecha cu ta bay den e buki di historia di Basic One, pa esnan cu no tin un idea “Basic One” ta wordo mira, considera y alaba manera cualkier otro artista internacional y nan ta gosa di un respet masha grandi mes den e comunidad Antiyano. Un biaha mas Basic One tabatin honor pa ta e prome artistanan pa habri e festividad di e prome edicion aki di Heineken Regatta Curacao. Pa loke Niro ta conta nos, esaki tabata un anochi super exitoso pa cual un biaha mas e grupo local “Basic One” a bolbe laga un stempel positivo y nos ta tribi di bisa hasta un tatuahe positivo na e isla ruman.

Kisas presicion no t’e palabra corecto, pero den un sentido e carga di responsabilidad tabata basta pisa mas ainda

cu nan ta esnan cu a habri e festival cu pa prome biaha ta wordo organisa. Pero e comision organisador no a duna na ningun momento den e grupo local Basic One pa haci nan trabao.

Impresionante tabata na momento cu e animador di e anochi a anuncia Basic One e publico a bira euforico y den e lenguaje urbano “e publico a bin abao’ cu grito di alegria pa presencia un di e poco atraccionnan Arubiano cu por pone hende bira loco manera cualkier artista internacional. Loke tabata resaltante di e anochi of di e show di Basic One ta momento cu nan a involucra artistanan hoben di Aruba y Corsow den nan show, cos cu e publico no tabata spera mes....sigur e oportunidad pa expone e talento nobonan aki n’e publico cu ta sigui Basic One.

Esaki ta loke ta haci Basic One diferente na tur otro cada momento cu e wordo yama pa un presentacion for di nos frontera y mas ainda pensando riba e exposicon cu e hobennan aki ta haya riba un escenario c’un publico grandi nan dilanti cu por domina escenario tambe.

E popular y conocido cantautor, musico y pianista esta e hobencito Jonathan Thiel alias



Biggy Boy a subi riba escenario compania p’e internacional Luigi Cortes a dal masha duro mes cu nan presentacion mas ainda cu e tema “Mi kier bo ta felis” ta sonando bon na Corsow a pone tur hende bira loco, sin laga’fo e grupo di Curacao Area 51 cu tambe tabatin un bon presentacion. Banda di nan tabatin e presentacion di un di e figuranan mas popular e momento nan aki na Corsow MC / Locutor Chris Strick cu no ta desconoci na Aruba pa su temanan cu Da Ridlez y actualmente cu su exito sonando na radionan local “BIN Baha mi ventura” hunto Janiro Eisdén.

Niro a expresa na nos cu esaki tabata un presentacion hopi emocional p’e y cu despues di 17 aña di existencia “Basic One” ta keda score cu puntacion hopi halto!

Y esaki no ta tur cos cu a pasa fin di siman tras di lomba na Corsow, na momento cu Niro a baha for di escenario e la wordo aserca pa un miembro di e comision organisador y a bis’e cu “The Soca Queen” Alison Hinds kier sera conoci cune.

Sin pensa dos biaha y di e forma humilde cu semper nos conoce Niro el a acepta



e invitacion p’e bay na unda Alison ta. Na momento cu nan a topa otro Alison a bis’e cu e gusta su musica y e forma con Basic One ta presenta y e mes lo papia e anochi ey cu e organisadornan di Heineken Regatta pa extende su estadia p’asina Janiro keda Corsow. E deseo di Alison tabata p’e dia siguiente Janiro presenta cune p’e publico di Heineken Regatta y esaki a sosode tambe. Janiro su dia despues a pre-

senta riba escenario e exito immortal “suave” live cu Alison Hinds, esaki tabata un parti hopi improvisa den e repertorio di “The Soca Queen” a canta banda di Niro.

E publico a bira loco cu nan dos riba escenario cantando di inicio te final e tema y aki ta unda “The Soca Queen” a caba di keda impresion con e publico di Curacao ta carga Basic One di un forma inexplicable.

Despues di show, Alison Hinds a aserca Janiro Eisdén p’asina nan sinta conversa hunto ya cu e tin un deseo mas y esey ta graba un cancion cu Niro (Basic One) y cu e mes-ter di e ritmo mas pronto cu ta posibel.

Awel asina cu Niro a yega Aruba a cuminsa arma un tema electificante cu lo keda cla den e dianan aki p’asina Niro y Alyson graba esaki mas pronto posibel.

Nos palabra di pabien ta bay na e delegacion local encabesa pa Basic One cu a laga e bandera y escudo di Aruba ta lombra riba escenario di e prome edicion di Regatta Curacao. Riba e combinacion di foto nos ta ilustra loke a pasa na Corsow.

